



PROJEKT AER of IF

KOORDINACIONI ODBOR

Broj:1-10/5-1849

Sarajevo, 16.10.2009.godine

*Projekt : "Ubrzanje restrukturiranja poduzeća u Bosni i Hercegovini
kroz aktivno upravljanje portfeljima investicionih fondova"*

Poštovani,

Pozivamo Vas da kao predstavnik vaše institucije uzmete učešće na okruglom stolu koga organizuje Ministarstvo finansija/financija Federacije Bosne i Hercegovine u okviru projekta „**Ubrzanje restrukturiranja poduzeća u Bosni i Hercegovini kroz aktivno upravljanje portfeljima investicionih fondova**“, kojeg finansira Evropska Komisija, a administrira Svjetska banka.

Projekat je organiziran i osmišljen sa ciljem da se potakne restrukturiranje masovno privatiziranih kompanija u FBiH. Specifični cilj je bio pomoći IF-ovima da se transformiraju u aktivne vlasnike koji će imati kapacitet da poboljšaju stvarnu vrijednost njihovih portfelja kroz restrukturiranje kompanija, te također kroz privlačenje novih kupaca i investitora. Ostvarivanje sveukupnih ciljeva bi poboljšalo konkurentnost kompanija, i za uzvrat stvorilo uvjete za održiv ekonomski oporavak i razvitak FBiH i BiH, a što bi trebalo da pomogne BiH u implementaciji procesa stabilizacije i pridruživanja Europskoj Uniji.

Projekat se realizira u suradnji Ministarstva finansija/financija FBiH, Komisije za vrijednosne papire Federacije BiH, Fondacije za održivi razvoj/razvitak OdRaz, te uz pomoć konsultanta EPIC Financial Consulting GmbH iz Beča, Austrija. U dosadašnjem toku projekta su postignuti dogovori sa većinom Investicionih fondova iz FBiH, izvršen je odabir 6 kompanija za restrukturiranje i pripremljeni, te usvojeni Programi restrukturiranja u ovim kompanijama. Projekat se trenutno nalazi u fazi implementacije mjera restrukturiranja koje su usvojene od strane kompanija kroz programe restrukturiranja. Pored toga, izvršena je analiza okruženja, zakonske regulative, te kroz takve analize i diskusije sa predstavnicima kompanija i fondova dati prijedlozi koji bi mogli poboljšati okruženje poslovanja kompanija.

Cilj okruglog stola je da se na konstruktivan i kvalitetan način pomogne državnim organima da dalje i preciznije sagledaju poslovanje kompanija iz različitih sektora, probleme sa kojima se one susreću, a naročito u vrijeme svjetske ekonomske krize, te da se kompanijama i fondovima omogući da bolje sagledaju planove i mjere državnih institucija u cilju poboljšanja okruženja poslovanja kompanija u FBiH.

Okrugli sto će se održati u **četvrtak, 22. oktobra/listopada 2009.godine** u maloj konferencijskoj sali poslovnog centra **UNITIC u Sarajevu**, sa početkom u **11:00 sati**

Molimo Vas da Vašim prisustvom doprinesete bližem sagledavanju gore pomenutih ciljeva i kvalitetnijoj realizaciji projekta.


Uz ovo pozivno pismo se nalazi radni materijal sa predviđenom satnicom, listom izlagača, te kratkim opisom tema za diskusiju.

S poštovanjem,



Zada Gabela

Federalno ministarstvo finansija/ financija
Sarajevo



Miroslav Trezner

Fondacija za održivi razvoj /razvitak OdRaz
Sarajevo